

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

**PERTANYAAN : JAWAB BUKAN LISAN
DARIPADA : YB TUAN SU KEONG SIONG [IPOH TIMUR]
TARIKH :
SOALAN :**

YB Tuan Su Keong Siong [Ipoh Timor] minta **MENTERI KESIHATAN** menyatakan jumlah kes-kes virus Zika yang telah berlaku di Malaysia. Apakah persediaan dan implikasi penyakit Zika terhadap negara Malaysia secara keseluruhan.

Tuan Yang di-Pertua,

Kementerian Kesihatan Malaysia (KKM) telah memantau perkembangan wabak zika melalui kemasukkan pelancong asing di pintu masuk sempadan negara sejak awal tahun 2016. Antara langkah yang dilaksanakan di Pintu Masuk Antarabangsa adalah seperti berikut:-

1. Pemantauan pelancong asing di Pintu Masuk Antarabangsa (PMA) menggunakan *thermoscanner*, Sehingga 25 September 2016 seramai 4.1 juta pelancong asing telah disaring.
2. Anggota kesihatan yang bertugas di PMA telah diarahkan untuk melakukan pemeriksaan bagi semua pelancong yang datang dari

negara-negara yang melaporkan jangkitan virus Zika. Semua pelancong yang menunjukkan gejala jangkitan virus Zika akan dirujuk ke fasiliti kesihatan.

Hebahan tentang perkembangan penularan kes Zika telah dikeluarkan di dalam kenyataan akhbar Kementerian Kesihatan secara mingguan yang dimuatnaik di laman sesawang rasmi KKM. Bilik Gerakan Zika juga telah dibuka bagi memantau kes Zika dan menyalurkan maklumat kepada orang ramai tentang perkembangan situasi Zika di negara ini.

Tuan Yang di-Pertua,

Daripada 1 September sehingga 8 Oktober 2016, sebanyak tujuh (7) kes Zika telah disahkan di negara ini. Oleh yang demikian, KKM juga telah melakukan kesiapsiagaan keseluruhan untuk mencegah jangkitan Zika di negara ini dengan melaksanakan perkara-perkara berikut :-

- i. Survelan klinikal untuk kes Zika di klinik kesihatan serta hospital kerajaan dan swasta.
- ii. Survelan makmal untuk mengesan kes Zika.
- iii. Survelan *microcephaly* dilaksanakan oleh Jawatankuasa pakar-pakar paediatric dan *Gullain-Barre Syndrome* dilaksanakan oleh pakar-pakar perubatan.
- iv. Tindakan pencegahan dan kawalan oleh Pejabat Kesihatan Daerah dan Jabatan Kesihatan Negeri.
- v. Kesiapsiagaan dan response Pintu Masuk Antarabangsa Negara.

Tuan Yang di-Pertua,

Penularan virus Zika akan memberi implikasi terhadap negara ini dari segi ekonomi terutama dari sektor pelancongan di mana CDC Amerika Syarikat telah memasukkan Malaysia dalam senarai negara berisiko rendah kepada pelancong-pelancong dan menasihatkan ibu mengandung untuk tidak melawat negara dilanda Zika.

Pelabuhan di negara China juga telah mengarahkan agar kapal dari negara dilanda virus Zika perlu dibuat kawalan nyamuk sebelum berlabuh di pelabuhan. Ini akan menambahkan kos kepada kapal yang berlabuh di pelabuhan China.

NO. SOALAN: 207

**PEMBERITAHUAN PERTANYAAN BAGI BUKAN JAWAB LISAN
DEWAN RAKYAT**

PERTANYAAN : BUKAN JAWAB LISAN

DARIPADA : TUAN SU KEONG SIONG

RUJUKAN : 9436

SOALAN:

Tuan Su Keong Siong [Ipoh Timor] minta MENTERI DALAM NEGERI menyatakan tindakan yang telah diambil oleh polis berkenaan dengan ugutan “tidak akan berjalan di atas bumi” oleh pemimpin Gerakan Merah, Ali Tinju terhadap Pengerusi Bersih 2.0, Maria Chin.

JAWAPAN:

Pihak polis telah menjalankan siasatan berkait Jinjang Repot: 19381/16 yang mana pengadu telah membaca satu artikel dalam sebuah laman web yang mendakwa suspek telah membuat ugutan jenayah yang membahayakan nyawa seseorang. Kes disiasat di bawah Seksyen 506 Kanun Keseksaan. Suspek telah ditangkap dan kertas siasatan telah dirujuk kepada Timbalan Pendakwaraya pada 27 September 2016 dan diarahkan untuk meneruskan siasatan lanjut.

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : YANG BERHORMAT TUAN M.
KULASEGARAN [IPOH BARAT]**

SOALAN :

YB Tuan M. Kulasegaran [Ipoh Barat] minta **PERDANA MENTERI** menyatakan jumlah bilangan petisyen rayuan memohon belas kasihan yang telah difailkan, ditolak dan diluluskan oleh Lembaga Pengampunan setiap tahun mulai Jan 2011 hingga Sept 2016 dengan mengikut kewarganegaraan, umur serta negeri di mana banduan ditahan.

SULIT

JAWAPAN: YB DATO' SRI AZALINA BINTI DATO' OTHMAN SAID

MENTERI DI JABATAN PERDANA MENTERI

Tuan Yang di-Pertua,

Statistik petisyen pengampunan bagi tahun 2011 – September 2016 mengikut Lembaga Pengampunan Negeri dan taraf kewarganegaraan adalah seperti berikut:

| Bil. | Lembaga Pengampunan Negeri | Warganegara | 2011 | 2012 | 2013 | 2014 | 2015 | 2016 | Jumlah | Peratus (%) |
|---------------------------|--|-------------|------|------|------|------|------|------|--------------|-------------|
| 1 | Pahang | Ya | 44 | 28 | 46 | 30 | 14 | 13 | 175 | 15.32 |
| | | Bukan | 12 | 8 | 6 | 2 | 1 | 8 | 37 | 3.24 |
| 2 | Terengganu | Ya | 0 | 8 | 0 | 0 | 0 | 16 | 24 | 2.10 |
| | | Bukan | 0 | 2 | 0 | 10 | 4 | 2 | 18 | 1.58 |
| 3 | Perlis | Ya | 5 | 0 | 0 | 5 | 5 | 9 | 24 | 2.10 |
| | | Bukan | 2 | 0 | 0 | 1 | 1 | 0 | 4 | 0.35 |
| 4 | Selangor | Ya | 21 | 15 | 13 | 5 | 34 | 13 | 101 | 8.84 |
| | | Bukan | 4 | 6 | 6 | 3 | 11 | 4 | 34 | 2.98 |
| 5 | Negeri Sembilan | Ya | 0 | 12 | 11 | 9 | 2 | 10 | 44 | 3.85 |
| | | Bukan | 0 | 1 | 0 | 1 | 13 | 0 | 15 | 1.31 |
| 6 | Johor | Ya | 0 | 26 | 22 | 0 | 43 | 25 | 116 | 10.16 |
| | | Bukan | 0 | 7 | 2 | 0 | 10 | 0 | 19 | 1.66 |
| 7 | Kelantan | Ya | 6 | 3 | 6 | 0 | 24 | 9 | 48 | 4.20 |
| | | Bukan | 3 | 3 | 2 | 0 | 13 | 1 | 22 | 1.93 |
| 8 | Perak | Ya | 26 | 9 | 25 | 18 | 20 | 20 | 118 | 10.33 |
| | | Bukan | 1 | 2 | 2 | 1 | 1 | 4 | 11 | 0.96 |
| 9 | Kedah | Ya | 0 | 23 | 6 | 14 | 24 | 2 | 69 | 6.04 |
| | | Bukan | 0 | 3 | 2 | 0 | 3 | 1 | 9 | 0.79 |
| 10 | Pulau Pinang | Ya | 6 | 16 | 3 | 4 | 8 | 8 | 45 | 3.94 |
| | | Bukan | 1 | 4 | 0 | 2 | 1 | 1 | 9 | 0.79 |
| 11 | Melaka | Ya | 5 | 0 | 0 | 12 | 20 | 20 | 57 | 4.99 |
| | | Bukan | 0 | 4 | 0 | 0 | 0 | 0 | 4 | 0.35 |
| 12 | Sabah | Ya | 3 | 9 | 0 | 6 | 5 | 3 | 26 | 2.28 |
| | | Bukan | 5 | 9 | 0 | 5 | 9 | 19 | 47 | 4.12 |
| 13 | Wilayah Persekutuan KL, Labuan & Putrajaya | Ya | 29 | 10 | 0 | 0 | 1 | 9 | 49 | 4.29 |
| | | Bukan | 0 | 0 | 16 | 0 | 0 | 1 | 17 | 1.49 |
| Jumlah Keseluruhan | | | | | | | | | 1,142 | 100% |

SULIT

Statistik yang diberikan tidak termasuk negeri Sarawak kerana tiada perincian berhubung maklumat kewarganegaraan. Jumlah petisyen pengampunan bagi negeri Sarawak adalah seperti berikut:

| Tahun | 2011 | 2012 | 2013 | 2014 | 2015 | 2016 |
|--------|------|------|------|------|------|------|
| Jumlah | 46 | 7 | 7 | 3 | 27 | 30 |

* Statistik sehingga September 2016.

Sekian. Terima kasih.